

SKUPŠTINA KANTONA SARAJEVO

**ZAPISNIK SA
18. RADNE SJEDNICE SKUPŠTINE KANTONA SARAJEVO,
ODRŽANE 27.07.2016. GODINE SA POČETKOM RADA U 10,00 SATI**

Sarajevo, JULI 2016.

Sjednici su prisustvovali poslanici/zastupnici:

STRANKA DEMOKRATSKE AKCIJE

1. Ademović Kemal
2. Čelik Mirza
3. Čomor Eldar
4. Delalić Sabahudin
5. Dovadžija Amar
6. Kozadra Muhamed
7. Mašović Amor
8. Okerić Elmedin
9. Prevljak Fikret

DEMOKRATSKA FRONTA – ŽELJKO KOMŠIĆ

1. Akšamija Goran
2. Bukva Sejo
3. Kerla Bibija
4. Mehmedagić Mersiha
5. Pindžo Mirsad

SAVEZ ZA BOLJU BUDUĆNOST – FAHRUDIN RADONČIĆ

1. Babić Ana
2. Bajrović Izudin
3. Filipović Selma
4. Lakota Rasim
5. Marić Zvonko
6. Rađo Dževad

SOCIJALDEMOKRATSKA PARTIJA BOSNE I HERCEGOVINE

1. Segmedina Bajramović Srna
2. Slaviša Šućur

NAŠA STRANKA

1. Forto Edin
2. Kojović Predrag

BOSANSKA STRANKA – MIRNES AJANOVIĆ

1. Rasim Smajić

BOSANSKOHERCEGOVAČKA PATRIOTSKA STRANKA – SEFER HALILOVIĆ

SAMOSTALNI POSLANICI/ZASTUPNICI

1. Bjelak Nermin

2. Mekić Amel
3. Pecikoza Fahrudin

TOK SJEDNICE

18. Radnu sjednicu Skupštine Kantona Sarajevo otvorila je predsjedateljica Ana Babić dana 27. jula 2016.godine u 10,00 sati.

Prema evidenciji Službe sjednici je na otvaranju prisustvovalo 25 zastupnika, što je dovoljan broj za punovažan rad i odlučivanje, a svoj izostanak pravdali su zastupnici: Neira Avdibegović, Mario Vukasović, Sabina Ćudić, Semir Halilović, Haris Pleho, Safet Mešanović, dok su opravdano kašnjenje najavili: Amor Mašović, Prevljak Fikret i Smajić Rasim.

UTVRĐIVANJE DNEVNOG REDA

Prijedlog dnevnog reda 18. Radne sjednice skupštine Kantona Sarajevo utvrdio je Kolegij koji je održan dana 15.07.2016. godine.

Na osnovu člana 73. Poslovnika Skupštine Kantona Kolegij je prihvatio da se dnevni red za 18. Radnu sjednicu dopuni sljedećim tačkama:

1. Prijedlog Autentičnog tumačenja člana 57. stav (10) Zakona o visokom obrazovanju; (razmatraće se kao 4. tačka)
2. Prijedlog odluke o izmjeni Odluke o izboru predsjedavajućih, zamjenika predsjedavajućih i članova stalnih radnih tijela Skupštine Kantona Sarajevo; (razmatraće se kao 5. tačka)
3. Prijedlog odluke o davanju saglasnosti na Odluku o izmjenama i dopunama Statuta Javne ustanove Zavod za zdravstvenu zaštitu žena i materinstva Kantona Sarajevo; (razmatraće se kao 7. tačka)
4. Prijedlog odluke o davanju saglasnosti na Odluku o izmjenama i dopunama Statuta Javne ustanove Zavod za zdravstvenu zaštitu zaposlenika Ministarstva unutrašnjih poslova Kantona Sarajevo; (razmatraće se kao 8. tačka)
5. Prijedlog odluke o davanju saglasnosti na Odluku o izmjenama i dopunama Statuta Javne ustanove Zavod za zdravstvenu zaštitu studenata Univerziteta u Sarajevo; (razmatraće se kao 9. tačka)
6. Prijedlog rješenja o razrješenju Upravnog odbora KAP-u Sarajevo; (razmatraće se kao 10. tačka)
7. Prijedlog rješenja o privremenom imenovanju Upravnog odbora KAP-u Sarajevo; (razmatraće se kao 11.tačka);

SKUPŠTINA JE ZA 18. RADNU SJEDNICU SKUPŠTINE KANTONA SARAJEVO JEDNOGLASNO (27 „ZA“) USVOJILA SLJEDEĆI DNEVNI RED:

1. Poslanička/zastupnička pitanja, inicijative i odgovori;
2. Prijedlog Zakona o državnoj službi u Kantonu Sarajevo;
3. Nacrt zakona o izmjenama i dopunama Zakona o filmskoj djelatnosti;
4. Prijedlog Autentičnog tumačenja člana 57. stav (10) Zakona o visokom obrazovanju;
5. Prijedlog odluke o izmjeni Odluke o izboru predsjedavajućih, zamjenika predsjedavajućih i članova stalnih radnih tijela Skupštine Kantona Sarajevo;
6. Prijedlog odluke o davanju saglasnosti na Program rada i finansijski plan za 2016. godinu Javne ustanove Dom zdravlja Kantona Sarajevo;
7. Prijedlog odluke o davanju saglasnosti na Odluku o izmjenama i dopunama Statuta Javne ustanove Zavod za zdravstvenu zaštitu žena i materinstva Kantona Sarajevo;
8. Prijedlog odluke o davanju saglasnosti na Odluku o izmjenama i dopunama Statuta Javne ustanove Zavod za zdravstvenu zaštitu zaposlenika Ministarstva unutrašnjih poslova Kantona Sarajevo;
9. Prijedlog odluke o davanju saglasnosti na Odluku o izmjenama i dopunama Statuta Javne ustanove Zavod za zdravstvenu zaštitu studenata Univerziteta u Sarajevo;
10. Prijedlog rješenja o razrješenju Upravnog odbora KAP-u Sarajevo;
11. Prijedlog rješenja o privremenom imenovanju Upravnog odbora KAP-u Sarajevo;
12. Izvještaj o poslovanju za 2015. godinu:
 - a. KJP Centar "Skenderija" d.o.o. Sarajevo;
 - b. Kantonalnog javnog preduzeća za gazdovanje državnim šumama "Sarajevo – šume" d.o.o. Sarajevo;
 - c. KJP "Poljoprivredno dobro Butmir" d.o.o. Sarajevo-Ilidža;
 - d. KJP "ZOI '84" Olimpijski centar Sarajevo d.o.o. Sarajevo
 - e. KJP "Veterinarska stanica" d.o.o. Sarajevo za 2015. godinu;

Predsjedateljica je navela da je zastupnicima dostavljen sljedeći informativni materijal:

- Informacija o izvršenom diobnom bilansu opreme i sitnog inventara, na osnovu Odluke o diobnom bilansu opreme i sitnog inventara Ministarstva i Uprave policije broj: 01-66/16 od 07.04.2016. godine
- Informacija o stanju kriminaliteta, javnog reda i mira i sigurnosti saobraćaja na području Kantona Sarajevo za mjesec maj 2016. godine.
- Izvještaj o radu Policijskog komesara za period januar-mart 2016. godine;
- Izvještaj o utrošku sredstava Tekuće rezerve iz Budžeta Kantona Sarajevo za period 01.01. do 30.06.2016.godine;
- Dokument okvirnog Budžeta Kantona Sarajevo za period 2017-2019

Predsjedateljica je obavijestila zastupnike da je Ustavni sud Federacije Bosne i Hercegovine donio rješenje kojim se odbija zahtjev jedne trećine zastupnika u Skupštini Kantona Sarajevo za izdavanje privremene mjere kojom se traži obustava primjene Zakona o turizmu do donošenja odluke o utvrđivanju ustavnosti.

U nastavku, predsjedateljica je pozvala zastupnike da razmatraju i izjasne se o zapisnicima sa prethodnih sjednica. Kako nije bilo primjedbi na zapisnike, niti diskusija, prešlo se na izjašnjavanje.

Skupština potvrdila Zapisnik sa 14. Radne sjednice Skupštine Kantona Sarajevo održane 27.04. i 10.05. 2016.godine, jednoglasno.

Skupština je potvrdila Zapisnik sa 15. Radne sjednice Skupštine Kantona Sarajevo održane 30.05. 2016.godine, jednoglasno.

Skupština je potvrdila Zapisnik sa 16. Radne sjednice Skupštine Kantona Sarajevo održane 10.06. 2016.godine, jednoglasno.

U 10,35 sati se prešlo na realizaciju prve tačke dnevnog reda.

AD – 1.

POSLANIČKA/ ZASTUPNIČKA PITANJA I INICIJATIVE

Predsjedateljica je pozvala zastupnike da podnesu svoja zastupnička pitanja i inicijative po abecednom redu.

Predsjedateljica Ana Babić:

„Ja se obraćam sa Inicijativom za upućivanje apela svim institucijama koje ističu obilježja BIH da obrate pažnju na ispravno okretanje zastave BIH a posebice kada je ona postavljena u vertikalnom položaju- inicijativa se naročito odnosi na javne institucije i njihove predstavnike, prije svega Kantona Sarajevo pa onda i na ostale koji su reprezentanti države u okviru djelokruga nadležnosti koje obavljaju. Tim povodom bih zamolila sve nadležne službe da izvrše provjeru i ukoliko ustanove da službena obilježja BIH nepravilno postavljena, u najkraćem roku to i riješe. Također se obraćam i svim ostalim pravnim subjektima u privatnom vlasništvu kao i fizičkim licima jer smatram da svi sa dužnom pažnjom treba da vodimo računa o službenim obilježjima BIH. Obrazloženje za ovo je na žalost svjedoci smo mnogobrojnih primjera pogrešnog postavljanja zastave BIH a to naročito u vertikalnom položaju. A što se dešava tokom službenih posjeta stranih delegacija i gostiju, državnih praznika kao i službenoj upotrebi u redovnom poslovanju institucija i organizacija u javnom sektoru. Naime, prilikom okretanja zastave, treba voditi računa da u ispravnom položaju bude postavljen trokut koji oslikava izgled granice naše države. Smatram a je ovo pitanje od prioritetne važnosti za rješavanje jer naš odnos prema službenim obilježja države je jedan od osnovnih pokazatelja našeg odnosa prema državi u kojoj živimo kao i prema svim ostalim pitanjima od interesa za građane BiH. Naravno da ću uz prilog ove inicijative dati i slikovni prikaz“.

Zastupnik Nermin Bjelak:

„Ja imam danas jedno zastupničko pitanje, a ono će biti upućeno Ministarstvu finansija Kantona Sarajevo a odnosi se na primanja koja su zastupnici Kantona Sarajevo ostvarili od Komisija koje su formirana pri ministarstvima Kantona Sarajevo, kojima je isplaćena materijalna dobit iz Budžeta Kantona Sarajevo za vremenski period 2015-2016 kao i drugim zastupnicima sa federalnog i državnog nivoa. Tačnije tražim da mi se dostave imena i prezimena iznosi koji su primili za rad u komisijama u navedenom vremenskom periodu“.

Zastupnik Sejo Bukva:

„Imam jednu inicijativu prema Vladi Kantona Sarajevo. Inicijativa za izmjenu regulativnog plaćanja usluga policije i hitne pomoći za nastupe reprezentativnih selekcija. Iniciram kod Vlade Kantona Sarajevo tj Ministarstva unutrašnjih poslova i ministarstva zdravstva da svaki od istih poduzmu aktivnosti na izmjenama odredaba koje tretiraju oblast naplate usluga policije i hitne pomoći prilikom održavanja sportskih manifestacija, čiji su učesnici reprezentativne selekcije BIH, u bilo kojem sportu koje se organizuju na području Kantona

Sarajevo. Obrazloženje: pravilnikom koji su doneseni na temelju zakonske regulative koja tretira nadležnost resornih ministarstva da je propisana obaveza plaćanja usluga angažovanja policijskih službenika i medicinskih radnika, te potrebne opreme prilikom održavanja sportskih manifestacija. Naime, kako nam je svima poznato finansijska situacija u sportu je jako loša a budžeti nisu orijentisani na način da se kroz isti mogu dodatno finansirati sve sportske aktivnosti koje bi se provodile kako na Kanton tako na višim nivoima vlasti. Također poznato je da jedan od bitnih segmenata u promociji države BIH nastupi reprezentativnih selekcija kako kroz zvanične nastupe tako i kroz prijateljske utakmice kojima se pored promocije i predstavljanja BIH vrši popularizacija sporta kao bitnog segmenta svakog društva, a a prvenstveno odraslih i mladih ljudi. Kako je sport bitna karika svake države a kako nadležne institucije u BIH nemaju dovoljno razumijevanja za ulaganje u sport, naknada minimalno što država ne može, nego mora da učini, jeste da kod nastupa reprezentativnih selekcija ne stvara dodatne troškove tako će inicijativa pružiti usluge iz svoje nadležnosti ekipama koje igraju za državni dres pod državnom zastavom. U skladu s tim, smatram da se prilikom održavanja sportskih manifestacija čiji su akteri reprezentativne selekcije, ekipe ili pojedinci da trebaju plaćati usluge policije i hitne pomoći, tj da isti trebaju biti izuzeti iz normativnih akata koji tretiraju ovu oblast. U prilog ovoj činjenici ide i to da svaka sportska manifestacije bude popraćena sa obaveznim angažovanjem zaštitarske službe u cilju uvođenja reda i očuvanja istog. Tako da su policijske aktivnosti znatno umanjenje u ovom dijelu dok je na nivou Kantona Sarajevo postavljen velikih broj značajnih institucija koje mogu pružiti uslugu medicinske podrške tako da se ne mora opteretiti samo služba hitne medicinske pomoći. Koristim priliku da još naglasim da se prilikom organizovanja ovih sportskih manifestacija ne ostvaruju prihodi za pojedince ili saveze nego isti služe za dalje finansiranje sportskih manifestacije putem ekipa na drugim takmičenja i drugi troškovi reprezentativnih ekipa“.

Zastupnik Edin Forto:

„Imam nekoliko stvari. Prvo bih htio postaviti zastupničko pitanje prema Ministarstvu prostornog uređenja, građenja i zaštite okoliša, koje je ustvari reakcija na odgovor koji sam dobio na prethodno pitanje a koje je bilo kada će ovo Ministarstvo uskladiti Zakon o upraviteljima sa federalnim zakonom o stvarnim pravima. Dobio sam odgovor da je u pripremi prednacrt koji će se pretvoriti u nacrt i biti poslan na Vladu pa onda na ovu skupštinu. Čitajući prednacrt vidio sam jednu vrlo čudnu stvar mogao bih reći a to je već u članu 2 stav h gdje je definisano da opet, što je u suprotnosti sa zakonom o stvarnim pravima, federalnim zakonom, da upravitelji mogu biti samo firme koje su pravna lica sa posebnom djelatnošću. Međutim, Zakon o stvarnim pravima, izričito u članu 34 stav 1 govori da etažni suvlasnici mogu imenovati i fizičko lice za održavanje svoje zgrade. Ja ovo insistiram čak i prije nego što dođe nacrt na ovu skupštinu jer imamo veliki broj poziva građana koji se žale, na zakonski procjep koji se dogodio u odnosima sa firmama upraviteljima od kojih su neke u stečaju a neke imaju veliki broj tužbi protiv njih. Drugo zastupničko pitanje je ustvari, ponavljam pitanje prema Ministarstvu komunalne privrede nisam dobio odgovor koliko ljudi i na ko ja mjesta zaposleno u firmi VIK Sarajevo. Dobio sam samo ukupnu tabelu izražavam nezadovoljstvo odgovorom, tražim da mi se dostavi ko je zaposlen, na koje pozicije, koje struke u VIK-u? Da pojasnim. Ovo tražim zbog toga što veliki broj građana nas zove i tvrdi da se tamo umjesto tehničkog i inženjerskog kadra zapošljavaju novinari, služba za odnose s javnošću i slično, a mi želimo da znamo ustvari kako ova firma posluje. Sljedeće, imam jednu zastupničku inicijativu koja je ustvari proizašla iz zastupničke inicijative vijećničke inicijative naših vijećnika Elvisa Vrete na Ilidži , uvođenje pametnog parkinga u cijelom kantonu Sarajevo. To je jedan stvarno zanimljiv projekat za koji molim ministra saobraćaja da ga dobro razmotri da vidimo da ga uvrstimo sljedeće godine u budžet. Ovo je ustvari projekat koji bi dozvolio da u Sarajevu preko mobilnih aplikacija, preko novih tehnologija ustvari u

svakom trenutku znamo gdje i koliko ima slobodnog parkinga. To bi koristilo i nama i a turistima. Imam još jedno pitanje, pokušat ću sve staviti u ovo moje vrijeme. Zastupničko pitanje se odnosi na upite građana na visinu računa za vodu na adresi Alipašina 12 i 14 i Kemal begova 2. Ljudima godinama pokušavaju dobiti odgovor zašto su im računi duplo veći nego što drugi dobijaju. Uporno VIK odbijaju da uspostave komunikaciju i otklone ovaj problem. Molio bih ministra da mi dostavi informaciju šta se dešava da bi mogli građanima odgovoriti na ovo pitanje. I konačno imam još jednu inicijativu za Ministarstvo saobraćaja, za popravak, ustvari korekcijama u ulicama Zuke Džumhura i Nusreta Šišića gdje zbog sigurnosti građana potrebno izvršiti korekcije u saobraćaju. I molim ministra također da razmotri ovu inicijativu“.

Zastupnik Mirza Čelik:

„Ja imam jednu inicijativu za Ministarstvo privrede i ja ću je pročitati ovim putem iniciram hitno pristupanje izmjenama i dopunama pravilnika o posebnim uslovima ostvarivanja prva na novčani poticaj SL., novine Kantona Sarajevo broj 21/13 i 39/14 čije je donošenje u vašoj nadležnosti kako slijedi.

U članu 5 stav 1 tačka c pravilnika iza riječi „za prethodnu godinu“ dodati riječi „ili dostaviti dokaz o reprogramu duga sa poreznom upravom ne stariji od tri mjeseca“. Te iza riječi „ne starijom od šest mjeseci“ dodati „ili dostaviti dokaz o reprogramu duga sa poreznom upravom ne starijom od 30 dana“.

Obrazloženje:

Predložena izmjena predstavlja rješenje koje je u interesu poljoprivrednih proizvođača u Kantonu Sarajevo među kojima je i KJP PD Butmir d.o.o. Sarajevo Ilidža koji upravlja upravu zbog neredovne dinamike isplate podsticaja na kantonalnom i federalnom nivou trpi štetne posljedice među kojima na žalost i neredovna uplata doprinosa i ostalih poreza na plaću. Obzirom na gore navedeno, iniciram hitno pristupanje predloženim izmjenama i dopunama pravilnika koje su u skladu sa zakonom, a prije donošenja rješenja o novčanim poticajima za 2016 godinu, kako ne bi došlo u pitanje ostvarivanje prava na poticaj jednom broju poljoprivrednih proizvođača među kojima je i KJP PD Butmir, što bi imalo izuzetno negativne posljedice na njihovo poslovanje u narednom periodu“.

Zastupnik Bibija Kerla:

„Ja imam danas dva pitanja. Prvo se odnosi za ministra saobraćaja, gđina Fišu. Interesuje me zašto kupovina karata u Grasu na trafici košta 1,60 KM a kada kupujete kod vozača košta 1,80 KM. Ja da bih to provjerila ja sam stvarno otišla na trafikku i kupila kartu koja košta 1,60 KM, ušla sam u tramvaj i tražila kartu, gospodin je rekao 1,80 KM. Ja sam pitala zašto kada u trafici košta 1,60, a on je jednostavno rekao gospoda kupuje u autobusu a sirotinja kupuje na trafikama. Mislim da ponašanje tog šofertraamvajana ni u kom slučaju nije primjerno, a mislim da ni cijena karata uopšte nije primjerna ako ona košta 1,60, ona košta 1,60 i u trafici i u tramvaju i u autobusu i bilo gdje. Znači molim ministra Fišu da podhitno podnese zahtjev da se uvede jedinstvena cijena karata, a dalje što se tiče ponašanja samih šofertraamvajana i konduktera, revizora i svega toga, mislim da je to na jednom vrlo niskom nivou. Kada uđete u Centrottrans imate gospodu koja voze autobuse, imate gospodu koja kontroliše karte, a kod nas kada uđete u tramvaj ili trolejbus imate nešto što ne priliči uopšte glavnom gradu BIH. I molim da se stvarno prida što veća pažnja što se toga tiče.

Moje drugo pitanje odnosi se na studente Stomatologije. Imamo redovne i samofinansirajuće, ustvari one koji finansira Kanton i one koji su samofinansirajući. I onda imamo situaciju da oni koje finansira Kanton studira deset godina, a oni koji su samofinansirajući oni daju godinu za godinom i mislim da bi trebalo dati takvim studentima koji su vrijedni mogućnost da nakon

prve, druge ili eventualno treće godine studije traju šest godina. Mogućnost da se i njima da besplatno školovanje da se ne bi plaćalo od 3.500 do 7000 KM“.

Zastupnik Rasim Lakota:

„Ja imam dva pitanja i imam jednu inicijativu. Pitanje za Vladu Kantona Sarajevo, odnosno za resorna ministarstva. Kako smo upoznati veliki broj ministarstava u Vladi Kantona radi na pripremi granskih kolektivnih ugovora za različite oblasti; državna uprava, zdravstvo, školstvo, privreda i drugo. Stupio je na snagu opći kolektivni ugovor, ističe vrijeme za usklađivanje granskih ugovora. Tražim odgovore na pitanja, koji se ugovori trenutno usklađuju, dokle se došlo sa pregovorima, kada se očekuje potpisivanje i šta je Vlada planirala poduzeti u slučaju da ne dođe do usaglašavanja pojedinih granskih ugovora sa općim kolektivnim ugovorom? Molim pismeni odgovor.

Drugo moje pitanje u prethodnom periodu dosta se govorilo o uklanjanju pasa lualica sa ulica Kantona Sarajevo. I vidim iz izvještaja da je Vlada često raspravljala o ovom pitanju. Podržavam mjere Vlade na rješavanju ovog pitanja. Interesuje me da li je došlo do stvarnog smanjenja broja pasa lualica sa ulica Kantona Sarajevo. Šta Vlada Kantona Sarajevo trenutno poduzima na tom planu i kada se očekuju konkretni vidljivi rezultati na ovom planu. Ujedno tražim informaciju koju treba da pripremi Ministarstvo pravde i uprave a odnosi se na broj eventualnih tužbi građana zbog ujeda pasa lualica i koji se iznosi potražuju po tom osnovu? Također molim pisani odgovor.

I inicijativa za danas. Inicijativa se odnosi na rješavanje problema pružanja stomatoloških usluga djeci sa poteškoćama u razvoju. Obrazloženje: U Kantonu Sarajevo više od deset godina nije riješen problem pružanja stomatoloških usluga djeci sa poteškoćama u razvoju. Održano je više okruglih stolova na ovu temu i na žalost pitanje stomatoloških usluga nije riješeno. U osnovi, procedura navedene usluge se sastoji od laboratorijskih pretraga, opće anestezije i sanacije zuba. Ovakva vrsta stomatoloških usluga ne može se ni porediti sa onim standardnim jer zahtijeva mnogo veću odgovornost a naročito kada se radi o djeci sa poteškoćama u razvoju. U privatnim klinikama navedene usluge koštaju od minimalno 600 KM pa na više. Taj iznos većina roditelja djece sa poteškoćama ne mogu priuštiti, te su djeca prisiljena na trajnu patnju i agoniju u slučaju zubobolje. Tokom zadnjeg sastanka koji se održao 10.02.2016 godine u Zavodu Mjedenica, rečeno je da pitanje stomatološke zaštite i osiguranja dostupnosti ove usluge za djecu sa poteškoćama u razvoju će se rješavati u saradnji sa Stomatološkim fakultetom. Stoga pokrećem ovu inicijativu da se riješi problem pružanja stomatoloških usluga djeci sa poteškoćama u razvoju kako bi roditelji mogli odvesti svoju djecu kod svog zubara“.

Zastupnik Predrag Kojović:

„Moje pitanje je upućeno ministrici zdravstva, ali i s obzirom iako je iz oblasti zdravstva ima šire posljedice, također i premijeru Kantona. Naime, mislim problem odlaska mladih ljudi iz BIH je nešto o čemu čitamo i slušamo već nekoliko mjeseci i onda sasvim sigurno je da odluka KCUS da prekine praksu obavljanja pripravničkog staža u toj javnoj instituciji sasvim sigurno ne pomaže nego zapravo tjera te mlade ljude čije smo školovanje mi platili ali sada ih onemogućavamo da izađu na tržište rada očigledno im ostavlja jedino mogućnost da posao i neku sreću traže vani. Ja zaista ne znam koji su razlozi da li uopšte KC ima pravo da donese odluku da neće više primati pripravnike koji su završili medicinski fakultet i druge medicinske fakultete, ali bih volio da čujem i objašnjenje i ako postoji neko obrazloženje zašto je to tako i šta se htjelo postići s ovim? „

Zastupnik Zvonko Marić:

„Moje prvo pitanje se odnosi na odgovor broj: A-653/16 od 09.06.2016 a vezano za Sindikat osnovnog obrazovanja, odgovor je od Tužiteljstva Kantona Sarajevo koji je rekao da je

nenadležan vezano za ovaj fantomski sindikat koji je dugo godina egzistirao i djelovao na području Kantona. Ja smatram da su njegovim djelovanjem prekršeni članovi kaznenog zakona FBIH 280, 294, 296, 297, 340 i 373. dakle to ću dostaviti naravno u pisanoj formi.

Drugo je moja inicijativa. A inicijativa se odnosi na ministra Šabića. Molim vas gospodine Šabiću, ovaj put zaista molim da počnete raditi svoj posao. A prestanite sa intrigama i onim čime se, što nije dostojno jednog ministra. Dakle, kada je riječ o šikaniranju službe informativne ovdje, zato što nije objavila vašu sliku kada ste boravili u Srebrenici a objavila nečiju drugu i da zovete ljude, evo ja javno kažem, sav prostor i molim zaposlenike Informativne službe da vas prate ubuduće i da vrše promociju isključivo vas, čak i nauštrb svih, ja mislim da će pristati i većina zastupnika ovdje. Nemate razloga da šikanirate i zovete ljude. Ja čak nisam ni znao da će biti objavljena slika nekoliko nas. To nemojte raditi i nemojte praviti estradu od sjednica Vlade. Drugo, angažirali ste odvjetnički tim kako bi reagirao na moje postavljeno zastupničko pitanje i za projekte koji se odnose na jelene lopatare, odbjegle gliste, zatim fantomke puževe itd. Neke besmislice. I niste se osvrnuli ni jednog trenutka. Ali pokušavate na neki način da uradite sljedeću stvar- istjerujete neku istinu i cjepidlačite tako bih ja mogao vezano za vaš CV da kažem- vi ste naveli da ste organizator otpora u Prozoru što nije tačno. Gospodine Šabiću vi ste bili komandant TO Općine Prozor. Prozor je pao a nije smio pasti. Evo sad“.

Dopredsjedavajući Sabahudin Delalić je intervenisao zamolivši zastupnika Marića da se pridržava dnevnog reda.

Poslanik/zastupnik Zvonko Marić:

„Ja vas molim gospodine Delaliću, vi možete da zastupate vašeg ministra, na koji god hoćete način ali ja govorim istinu. Dakle, ja je upoređujem sa istinama kada bi htjeli da to radimo. Ja razumijem ljudski da je on pobjegao iz Prozora, ali ne razumijem da koristi to kao preporuku za ministra. Pa nisam htio namjerno. I sada bih mogao da govorim i trgovinama uticaja ali neću iz milion razloga, samo ga molim da radi svoj posao“.

Zastupnik Amel Mekić:

„Inicijativa. Tražim da mi Vlada Kantona Sarajevo dostavi analizu cijene gasa u zadnjih pet godina. Kako se kretala cijena od strane BH gasa prema Sarajevo gasu, kako se kretala cijena od Sarajevo gasa prema Toplanama. Po mojim saznanjima nagomilani dugovi naših preduzeća su između ostalog prouzorokovani nerealnom cijenom Bh gasa prema Sarajevo gasu. Kako je moguće da BH gas prema ruskom dobavljaču nema dug a Sarajevo gas na današnji dan duguje 57 miliona BH gasu. Postavljam pitanje. Zašto postoje ove firme jel da zarađuju novac preko leđa građana ili da budu servis građana. Već se godinama problemi cijelog sistema rješavaju preko leđa građana Kantona Sarajevo. Vrijeme je da se sa tom praksom prestane i da se ovom informacijom upozna cijela BIH javnost“.

Zastupnik Mersiha Mehmedagić:

„Ja za danas imam jednu zastupničku inicijativu. Kolege odnosno kolegice iz Skupštinske službe su je podijelili kolegama na stolove. Zastupnička inicijativa glasi: U skladu sa članom 106 Poslovnika o radu Skupštine Kantona Sarajevo pokrećem inicijativu da Vlada za svaku sjednicu Skupštine pripremi informaciju o stepenu realizacije skupštinskih zaključaka za čiju realizaciju je nadležna, te da se ista tretira kao redovna tačka dnevnog reda.

Obrazloženje je sljedeće. U cilju kontinuiranog uvida zastupnika i javnosti u zaključke koje donese Skupština. Te uvida u stepen realizacije prethodno donesenih zaključaka smatram opravdanim pokretanje navedene zastupničke inicijative i molim zastupnike da se izjasne o uvrštavanju ove informacije kao redovne tačke dnevnog reda sjednica Skupština Kantona Sarajevo. Samo napomene radi u prethodnom mandatu, u mandatu prethodne Vlade, odnosno

prethodnom skupštinskom mandatu, pardon, ovo je bila redovna tačka i ova tačka se razmatrala odmah poslije zastupničkih pitanja inicijativa i odgovora. Pa molim Vladu da razmotri ovu moju inicijativu, odnosno skupštinu da se izjasni po završetku zastupničkih pitanja i inicijativa.

I u narednom dijelu imam potrebu da izrazim nezadovoljstvo na činjenicu da mi tri do sada pitanja nisu odgovorena. Na 14. sjednici sam tražila dopunu odgovora konkretnim podacima o broju nezaposlene djece boračke kategorije a posebno djece šehida i poginulih boraca, te izvještaj o realizaciji programa pozajmica za otvaranje novih radnih mjesta. To pitanje sam postavila 30.03. dobila sam odgovor kojim nisam zadovoljna. I tražila sam dopunu tog odgovora nikada je nisam dobila. Na 16. sjednici sam tražila odgovor od Ministarstva obrazovanje, nauke i mladih vezano za radno pravni status nastavnice biologije u OŠ Skender Kulenović. Tražila sam dostavu podataka o zaključenim ugovorima od 2009 godine. Ni taj odgovor nisam dobila. I na 14. sjednici sam pitala Ministarstvo zdravstva da dostavi informaciju o snadbjevenosti ANATE vakcinama i zašto iste građani sami kupuju. I na to pitanje nikad nisam dobila odgovor te molim prozvana ministarstva da konačno dostave svoje pisane odgovore“.

Zastupnik Dževad Rado:

„Prvo želim da se zahvalim gđinu Čedomiru Lukiću, ministru prostornog uređenja i građenja i zaštite okoliša što je u potpunosti prihvatio moju inicijativu i otpočeo sa realizacijom iste, a tiče se rješavanja pitanja rekonstrukcije vodovodne mreže i otvaranje javne česme kao i izgradnje javnog toaleta na Trebeviću koje je u sklopu zaštićenog područja. Imam jedno pitanje koje je ne ovako tiče se sljedećeg: Vijeće ministara BIH donijelo je odluku o proglašenju 11 jula Danom žalosti u BIH. Medijske kuće na teritoriji BIH kao i organizatori kulturno umjetničkih i sportskih manifestacija na teritoriji BIH bili su dužni da prilagode svoje programske sadržaje Danu žalosti. Međutim, pojedini medijski emiteri su se oglušili na odluku Vijeća ministara te postavljam pitanje; da li će isti biti sankcionisani i na koji način“.

Zastupnik Segmedina Srna Bajramović:

„Ja danas imam dva zastupnička pitanja. Najprije ono koje upućeno Ministarstvu zdravstva Kantona Sarajevo. S obzirom da već mjesecima čekamo revizorski izvještaj kako bi smo mogli razmatrati izvještaj KCUS a uzimajući u obzir da smo na nivou Federalnog doma naroda imali tematsku sjednicu o zdravstvu na kojoj su se definisali određeni konkretni zaključci ako se odnosi i na KC, postavljam pitanje kada je planirano zakonski predviđeno razmatranje izvještaje ili se od istih za ovu godinu odustalo trajno. Jasno je kako smo mjesecima bili izloženi vrlo ozbiljnim medijskim navodima o stanju u KX i Opštoj bolnici kada je u pitanju kvalitet zdravstvene zaštite, koja se pruža našim sugrađanima, te smo iz tog aspekta dužni da određene stvari raščistimo do kraja. Razmatranje izvještaja su zakonski predviđeni termini kada imamo priliku da razmotrimo kvalitet rada pojedinih ustanova za period koji je iza nas. A dodatno provjerimo sve one činjenice koje ozbiljno narušavaju samo povjerenje u iste. Navest ću samo neke: polazeći od rada saopštenjima oko Zlatnog sata, haosa na relaciji Opšta bolnica - Klinički centar, kod hitnog zbrinjavanja pacijenata, kadrovske devastacije KC do ozbiljnih navoda o zloupotrebama kada je u pitanje patohistologija, što sve zajedno ozbiljno narušava povjerenje građana u zdravstveni sistem. Mjesecima smo dakle slušali različite optužbe po mnogo aspekta kada je u pitanju ova oblast i stoga ovo moje pitanje shvatite kao dobronamjerni potez da na mjestu gdje je predviđeno da za onoga ko je u isto vrijeme i jedan od osnivača argumentovano raspravimo sve činjenice. I drugo zastupničko pitanje, ja naime molim da mi se dostavi informacija o svim osobama koje su zaposlene u ministarstvima, javnim uprava, ustanovama, te preduzećima u vlasništvu Kantona Sarajevo na neodređeno vrijeme i ugovorima o djelu u periodu od imenovanja ove Vlade sa jasnim naznačavanjem onih koji su zaposleni u skladu sa definisanim pravom iz

člana 5, stav 5 Zakona o dopunskim pravima branilaca Kantona Sarajevo, a koji se odnosi na prioritet u zapošljavanju“.

Zastupnik Slaviša Šućur:

„Ja imam dva pitanja. Prvo se odnosi na KP Pokop. Naime, godinama je bila uobičajena praksa da se naknada za održavanje grobalja mogla platiti do pet godina unaprijed. Iz nekog meni potpunog razloga nedavno je taj način promijenjen. Dakle, vi možete sada platiti samo za jednu godinu unaprijed. Smatram da je to bilo potpuno nepotrebno i da predstavlja problem velikom broju naših građana. Mislim da je to nepotrebna obaveza čak i onima koji žive ovdje. Svi smo svjesni činjenice da je veliki broj naših sugrađana odselio, dakle članova porodica onih koji su sahranjeni na ovim grobljima i da njima zaista predstavlja veliki problem da svake godine dođu i ispunje tu obavezu. Smatram inače da ako je nekome bio cilj, a ne mogu da povjerujem, da se napravi novi prostor da se uklone spomenici i obilježja, grobovi za koje eventualno se ne izvrši ta uplata, da je to loš način. Sarajevska groblja predstavljaju po meni istorijske spomenike. Dakle svaki put kada prođete kroz groblje i mezarja i vidite istoriju ovog grada, vidite ko su ljudi koji su ga gradili, mislim da bi na taj način to trebalo u budućnosti tretirati. Drugo pitanje se odnosi na problem velikih gužvi na izlazu iz Sarajeva prema Vogošći. Ja znam da postoje planovi za izgradnju Prve transverzale, međutim u svim planovima i između ostalog dokumentima koje smo mi imali priliku da vidimo ovdje se govori o dionici od Sarajeva do Hotonja. Ono što mi trenutno imamo najveće gužve su upravo na ulazu u Vogošću, odnosno prolasku kroz Vogošću i na priključku na magistralni put prema Tuzli i na autoput A1. Da li postoje planovi da se uradi i mislim da bi to možda bilo prioritetno da manje košta zaobilaznica oko naselja u Vogošći i priključak na petlju, na most u Krivoglavcima i to bi dobrim dijelom riješilo saobraćaj kao neko da kažem srednjoročno rješenje dok se ne riješi cijela dionica. Kao kratkoročno rješenje ja zaista predlažem Ministarstvu saobraćaja i Ministarstvu unutrašnjih poslova da kao redovnu praksu uvedu u satima špice, pogotovo u popodnevним satima da pripadnici policije redovno regulišu saobraćaj na raskrsnicama u Vogošći i opet kažem na mostu na petlji u Krivoglavcima“.

Predsjedateljica je pozvala zastupnike da se izjasne o Inicijativi zastupnice Mersihe Mehmedagić vezano za uvrštavanje u dnevni red „Informacija o stepenu realizacije skupštinskih zaključaka za čiju realizaciju je zadužena Vlada“ kao posebnu tačku dnevnog reda svake naredne sjednice.

Zastupnici su jednoglasno podržali navedenu inicijativu (21 „ZA“).

Odgovor je dao ministar Muharem Šabić.

Prešlo se na razradu druge tačke dnevnog reda.

AD -2.

PRIJEDLOG ZAKONA O DRŽAVNOJ SLUŽBI U KANTONU SARAJEVO

Predsjedateljica je podsjetila da su zastupnici dobili materijale uz poziv za sjednicu.

Ministar Mario Nenadić je podnio uvodno izlaganje i iznio stav Vlade po podnesenim amandmanima .

Predsjedateljica je pročitala dio pisma podrške Centara civilnih inicijativa upućenih Skupštini na temu ovog Prijedloga Zakona.

Pitanje je postavio zastupnik Zvonko Marić.

U diskusiji su učestvovali zastupnici: Predrag Kojović, Kemal Ademović, Mirsad Pindžo, Rasim Lakota, Segmedina Srna Bajramović, Izudin Bajrović, Slaviša Šućur.

Odgovore su dali ministar Mario Nenadić i premijer Elmedin Konaković.

Zastupnik Mirsad Pindžo je još jednom tražio riječ a potom je premijer dao odgovor.

Potom je predsjedateljica dala pauzu za ručak kako bi Vlada mogla održati sjednicu i izvršiti predložene izmjene u Prijedlogu Zakona.

Nakon pauze predsjedateljica je zamolila ministra Marija Nenadića da obavijesti zastupnike o stavovima Vlade.

Zastupnik Mirsad Pindžo se izjasnio da će Klub DF-a podržati Prijedlog zakona obzirom da je Vlada uvažila većinu njihovih primjedbi.

Zastupnici Predrag Kojović i Rasim Lakota su odustali od uloženi amandmana obzirom da je Vlada u pauzi dosta njih prihvatila.

SKUPŠTINA JE VEĆINOM GLASOVA (27 „ZA“) USVOJILA ZAKON ODRŽAVNOJ SLUŽBI U KANTONU SARAJEVO .

Premijer Elmedin Konaković se nakon izglasavanja Zakona kratko obratio zastupnicima.

Prešlo se na razmatranje treće tačke:

AD – 3.

NACRT ZAKONA O IZMJENAMA I DOPUNAMA ZAKONA O FILMSKOJ DJELATNOSTI

Predsjedateljica je podsjetila da su zastupnici dobili materijale uz poziv za sjednicu. Ministar Mirvad Kurić je podnio uvodno izlaganje.

Kako je nije bilo pitanja i diskusije, predsjedateljica je pozvala zastupnike da pristupe izjašnjavanju.

SKUPŠTINA JE JEDNOGLASNO DONIJELA SLJEDEĆE ZAKLJUČKE:

1. Utvrđuje se Nacrt zakona o izmjenama i dopunama Zakona o filmskoj djelatnosti;
2. Javna rasprava održaće se u kantonalnim organima, jedinicama lokalne samouprave, naučnim i stručnim ustanova i trajaće 30 dana.
3. Primjedbe, prijedlozi, sugestije zastupnika i mišljenja radnih tijela Skupštine dostavljaju se Vladi Kantona Sarajevo koja organizuje i provodi javnu raspravu.
4. Vlada Kantona Sarajevo dužna je da nakon provedene javne rasprave podnese Skupštini Izvještaj o rezultatima javne rasprave koji sadrži primjedbe, prijedloge i mišljenja, kao i da da obrazloženje razloga zbog kojih pojedine primjedbe, prijedlozi i mišljenja nisu prihvaćeni u pripremi Prijedloga zakona o izmjenama i dopunama Zakona o filmskoj djelatnosti.

Četvrta tačka dnevnog reda:

AD – 4.

PRIJEDLOG AUTENTIČNOG TUMAČENJA ČLANA 57. STAV (10) ZAKONA O VISOKOM OBRAZOVANJU

Zastupnici su Prijedlog Autentičnog tumačenja Zakonodavno – pravne komisije Skupštine Kantona Sarajevo ste dobili u dopunskom materijalu.

Zastupnik Kemal Ademović u svojstvu predsjedavajućeg Komisije je podnio uvodno izlaganje.

SKUPŠTINA JE SA 24 GLASA „ZA“ DONIJELA ODLUKU O OSNOVANOSTI AUTENTIČNOG TUMAČENJA.

SKUPŠTINA JE SA 24 GLASA „ZA“ USVOJILA AUTENTIČNO TUMAČENJE ČLANA 57. STAV (10) ZAKONA O VISOKOM OBRAZOVANJU.

Peta tačka dnevnog reda:

AD – 5.

PRIJEDLOG ODLUKE O IZMJENI ODLUKE O IZBORU PREDSEDAVAJUĆIH, ZAMJENIKA PREDSEDAVAJUĆIH I ČLANOVA STALNIH RADNIH TIJELA SKUPŠTINE KANTONA SARAJEVO

Zastupnici su dobili Prijedlog odluke u dopunskom materijalu.

Zastupnik Kemal Ademović u svojstvu predsjedavajućeg Komisije je podnio uvodno izlaganje.

Nije bilo prijavljenih zastupnika za pitanja niti diskusiju, te je predsjedateljica pozvala na izjašnjavanje

SKUPŠTINA JE VEĆINOM GLASOVA (20 „ZA“) DONIJELA ODLUKU O IZBORU PREDSEDAVAJUĆIH, ZAMJENIKA PREDSEDAVAJUĆIH I ČLANOVA STALNIH RADNIH TIJELA SKUPŠTINE KANTONA SARAJEVO.

Šesta tačka dnevnog reda:

AD – 6.

PRIJEDLOG ODLUKE O DAVANJU SAGLASNOSTI NA PROGRAM RADA I FINANSIJSKI PLAN ZA 2016. GODINU JAVNE USTANOVE DOM ZDRAVLJA KANTONA SARAJEVO

Predsjedateljica je konstatovala da su zastupnici dobili prijedlog uz poziv za sjednicu.

Uvodno izlaganje je podnijela ministrica Zilha Ademaj.

Nije bilo prijavljenih za pitanja a u diskusiji je učestvovao zastupnik Edin Forto.

SKUPŠTINA JE JEDNOGLASNO (22 „ZA“) DONIJELA ODLUKU O O DAVANJU SAGLASNOSTI NA PROGRAM RADA I FINANSIJSKI PLAN ZA 2016. GODINU JAVNE USTANOVE DOM ZDRAVLJA KANTONA.

Predsjedateljica je predložila da se tačke 7, 8 i 9 Dnevnog reda objedine iz razloga što se sve odnose na oblast zdravstva, što su zastupnici i podržali.

Zastupnici su smatrali da nema potrebe za uvodnim izlaganjem, nije bilo zastupničkih pitanja niti diskusije, te je predsjedateljica pozvala na izjašnjanje.

AD – 7.

SKUPŠTINA JE JEDNOGLASNO (21 „ZA“) DONIJELA ODLUKU O DAVANJU SAGLASNOSTI NA ODLUKU O IZMJENAMA I DOPUNAMA STATUTA JAVNE USTANOVE ZAVOD ZA ZDRAVSTVENU ZAŠTITU ŽENA I MATERINSTVA KANTONA Sarajevo.

AD – 8.

SKUPŠTINA JE JEDNOGLASNO (21 „ZA“) DONIJELA ODLUKU O DAVANJU SAGLASNOSTI NA ODLUKU O IZMJENAMA I DOPUNAMA STATUTA JAVNE USTANOVE ZAVOD ZA ZDRAVSTVENU ZAŠTITU ZAPOSLENIKA MINISTARSTVA UNUTRAŠNJIH POSLOVA KANTONA.

AD – 9.

SKUPŠTINA JE JEDNOGLASNO (21 „ZA“) DONIJELA ODLUKU O DAVANJU SAGLASNOSTI NA ODLUKU O IZMJENAMA I DOPUNAMA STATUTA JAVNE USTANOVE ZAVOD ZA ZDRAVSTVENU ZAŠTITU STUDENATA UNIVERZITETA U SARAJEVU.

Deseta tačka dnevnog reda:

AD – 10.

PRIJEDLOG RJEŠENJA O RAZRJEŠENJU UPRAVNOG ODBORA KAP-U SARAJEVO

Uvodno izlaganje je podnio ministar Muharem Šabić.
Obzirom da nije bilo pitanja niti diskusije, prešlo se odmah na izjašnjanje.

SKUPŠTINA JE VEĆINOM GLASOVA (26 „ZA“) DONIJELA RJEŠENJE O RAZRJEŠENJU UPRAVNOG ODBORA KAP-U SARAJEVO

Potom se prešlo na razradu 11. tačke dnevnog reda:

AD-11.

PRIJEDLOG RJEŠENJA O PRIVREMENOM IMENOVANJU UPRAVNOG ODBORA KAP-U Sarajevo

Zastupnici su Prijedlog odluke dobili u dopunskom materijalu.

U diskusiji su učestvovao zastupnik Mirsad Pindžo nakon čega se obratio premijer Elmedin Konaković sa pojašnjenjima.

Predsjedateljica je pozvala prisutne na izjašnjanje.

SKUPŠTINA JE VEĆINOM GLASOVA (18 „ZA“) DONIJELA RJEŠENJE O PRIVREMENOM IMENOVANJU UPRAVNOG ODBORA KAP-U SARAJEVO.

Dvanaesta tačka dnevnog reda:

AD - 12.

IZVJEŠTAJI O POSLOVANJU ZA 2015. GODINU:

- a) **KJP „CENTAR SKENDERIJA“ D.O.O. SARAJEVO**
- b) **KANTONALNOG JAVNOG PREDUZEĆA ZA GAZDOVANJE DRŽAVNIM ŠUMAMA „SARAJEVO-ŠUME „ D.O.O. SARAJEVO**
- c) **KJP „POLJOPRIVREDNO DOBRO BUTMIR“ D.O.O. SARAJEVO-ILIDŽA**
- d) **KJP „ZOI '84“ OLIMPIJSKI CENTAR SARAJEVO D.O.O. SARAJEVO**
- e) **KJP „VETERINARSKA STANICA“ D.O.O. SARAJEVO**

Skupština je većinom glasova (25 „ZA“) podržala da se provede jedinstvena diskusija po izvještajima svih komunalnih javnih preduzeća, a pojedinačno izjašnjanje.

MINISTAR MUHAREM ŠABIĆ JE U IME PREDLAGAČA POVUKAO IZVJEŠTAJE KJP ZA GAZDOVANJE DRŽAVNIM ŠUMAMA „SARAJEVO-ŠUME „ D.O.O. SARAJEVO I KJP „ZOI '84“ OLIMPIJSKI CENTAR SARAJEVO D.O.O. SARAJEVO.

Pitanje je postavio zastupnik Mirsad Pindžo, a odgovor u ime Predlagača je dao premijer Elmedin Konaković.

Zastupnik Zvonko Marić je predložio formiranje skupštinske komisije koja bi ispitala poslovanje komunalnih javnih preduzeća, što je ministar Muharem Šabić u ime Predlagača prihvatio.

Zastupnik Mirza Čelik je predložio da se formira odmah skupštinska komisija na način da svaki klub zastupnika imenuje po jednog predstavnika kao i samostalni zastupnici da učestvuju u radu iste.

SKUPŠTINA JE JEDNOGLASNO PODRŽALA PRIJEDLOG ZASTUPNIKA MIRZE ČELIKA.

U diskusiji po ovom prijedlogu su učestvovali zastupnici: Sabahudin Delalić, Bibija Kerla, Mirsad Pindžo,

Predsjedateljica je na zastupničku intervenciju Dževada Rađe prekinula daljnje diksusije i pozvala zastupnike da diskutuju o ponuđenim izvještajima preostala tri komunalna javna preduzeća.

U diskusiji su učestvovali zastupnici: Edin Forto, Mersiha Mehmedagić, Muhamed Kozadra, Fikret Prevljak, Bibija Kerla, Mirsad Pindžo.

Nakon zaključivanja diskusije prisutnima su se obratili ministar Muharem Šabić i premijer Elmedin Konaković.

a)

SKUPŠTINA NIJE USVOJILA IZVJEŠTAJ (0 „ZA“) O POSLOVANJU KJP „CENTAR SKENDERIJA“ D.O.O. SARAJEVO ZA 2015. GODINU

c)

SKUPŠTINA NIJE USVOJILA IZVJEŠTAJ (0 „ZA“) O POSLOVANJU KJP „POLJOPRIVREDNO DOBRO BUTMIR“ D.O.O. SARAJEVO-ILIDŽA ZA 2015. GODINU

e)

SKUPŠTINA NIJE USVOJILA IZVJEŠTAJ (0 „ZA“) O POSLOVANJU KJP „VETERINARSKA STANICA“ D.O.O. SARAJEVO ZA 2015. GODINU

Predsjedateljica je zaključila sjednicu u 16,12 sati.

Zapisnik izradila:

Lejla Kadrić

Po ovlaštenju

SEKRETAR

SKUPŠTINE KANTONA SARAJEVO

Almira Kulovac Šetkić, dipl. pravnik

PREDSJEDATELJICA

SKUPŠTINE KANTONA SARAJEVO

Prof. Ana Babić